

LIJE'E SAN PABLO LINIĒ'EPOLA' LAPIMAYE LEFOT'ĒPOĒTSI LIĒYA' ÉFESO

¹ Iya' ninPablo, nin'apóstol, Jesucristo alum-mepa. Toġta'a ixpic'epa ĒanDios. Iya' quiniġ'elhuo' imanc', unc'aipimaye noġmana' liġya' Éfeso. Imanc' noġ'huaiyijmpá ĒanDios, i'huexi iġque. Jesucristo joupa epenufpolhuo'.

² ĒanDios caġ'Ailli' y ġaġPoujna Jesucristo titoc'itsolhuo', tipaxnetsolhuo', tipac'e'etsolhuo' loġpicuejma'.

³ Aġs'najtsi'ile ĒanDios, iġque enDios i'Ailli' ġaġPoujna Jesucristo. Iġque joupa aġpaxneponga'. Cal Espġritu Santo lapi'inga' jahuay al c'a lopa'a lema'a. He al c'a ĒanDios tixina joupa i'ipa aġ'huexi illanc' naġ'huaiyijmpá Jesucristo.

⁴ Cacia: ĒanDios aġpaxneponga'. Ai'a tilanc'e'ma li'a ġamats' ĒanDios aġ'huijf'eponga', limetsaicoponga' to joupa lapenufponga' Cristo. Ixplic'epa ġaġ'iyaconga'. Ixplic'epa te ts'i'ic' maġsinyaconga' litine lacaxhuoġaitsa ġiġpe pe lopa'a. ġiġpe litine aġmujtoġtsi aġinca i'huexi ĒanDios. Aġmujtoġtsi joupa i'ipa pangay c'a ġaġpicuejma', ailopa'a caġjunac', acueca' aġ'eta capic'a ĒanDios.

⁵ ĒanDios aġ'eponga' capic'a. Toġiya ixpic'epa aġ'itsonga' inaxque', iġque ti'ila' aġ'Ailli'. Ixplic'epa toġta'a lapenuftonga' illanc' naġ'huaiyijmpá Jesucristo. He lixplic'epa ma letenġcocopa maġque quituca'.

6 Tołta'a tixinin'me acueca' ŁanDios. Ałsininnonga' acueca' lałpaxneponga', acueca' lałtoc'iponga' illanc' lapenufponga' Cristo, ilque i'Hua ŁanDios lipic'a.

7 Ilque i'Hua ŁanDios joupa lapenufponga'. Tołta'a ŁanDios limenc'e'ecoponga' lixcay lał'epa. Ałsimponga' joupa i'najtsempa lałjunac'. Cristo, litine lixcuajaipa lijuats', i'najtsepa. Linca a'i huata ilē lałtoc'iponga' ŁanDios. Acueca' juaiconapa ac'a lał'eponga'.

8 Acueca' lipicuejma' ŁanDios. Ixina' lo'eya, lo'epa. Ailopa'a calcuanac'eponga', acueca' lałpaxneponga'.

9 Joupa ałmuc'iponga' te ts'i'ic' lixic'epa. Li'ipa tocomma to emiya lataiqui'. Itsiya a'i. Icuaitsi litine letenłcocopa ŁanDios ilque ałmuc'iponga'.

10 Ałmuc'iponga' te lo'iya Cristo, ilē joupa ixpic'epa ŁanDios. Ma mi'hua menant'hi litine tixhuaitsi jahuay, ti'hua tuya'am'me ilē lataiqui'. Ti-joułta' jahuay tihuejco'me Cristo, jahuay lopa'a lema'a, jahuay lopa'a li'a łamats'.

11 Linca, jahuay tihuejco'me Cristo. Malque Cristo nalapenufponga'. Tołta'a ŁanDios ałsinninga' ixanuc', i'huexi. Ilque joupa ał'huijfeponga' ał'itsonga' tołta'a. ŁanDios ja'ni tixpic'ełta' ti'ila', ma tołta'a ti'i'ma. Ilque tixhuai'ni'ma jahuay lipic'a.

12 Ipic'a timetsaiconłe anDios. Tixinninłe acueca' lipicuejma' jouc'a lo'epa. Tix'najtsi'ilē. Tołiya ał'huijfeponga' illanc' petsi luyaipa quitine ał'huaicoyi ticuaiyunnı cal Cristo.

13 Imanc' jouc'a oł'huaiyimpá Cristo. Ate'a ołquimf'epá al Linca Cataiqui'. Małe Lataiqui' loya'apa ilē al c'a lixic'epa ŁanDios, tuya'e' te

ts'i'ic' moni'eyacu ja'ni toluntul'me. Lijou'ma ol'huaiyijmpá Cristo, LanDios epi'ipolhuo' hi'Espíritu ma to lijoupa licupa cataiqui' tepi'itsolhuo'. Itque hi'Espíritu Iepi'ipolhuo' maIque cal Espíritu Santo. ToIta'a i'huáquilhuo' imanc' ma' aIınca ixanuc' LanDios, i'huexi itque.

14 MaImana' fa'a li'a lamats' illanc' ma' i'huexi LanDios. TijouIa' lunlu'etsonga', lapenuftonga' nulemma. Joupa aImuc'iponga' aIınca toIta'a laI'iyaconga'. AImuc'iponga' aimaIfel'miyaaconga'. ToIiya lapi'iponga' cal Espíritu Santo. Litine lapenuftonga' timetsaicom'me ma' anDios, acueca' lo'epa.

15-16 ToIiya iya' cax'najtsi'i LanDios. Amimpa: "Ihe lun Éfeso ti'huaiyijnyi laI'Poujna Jesús, ti'eyi capic'a liIpimaye, ihe jouc'a i'huexi LanDios". AimaIsospa. Ti'hua cax'najtsi'i. Ma capalaic'o LanDios cax-ahue'e titoc'itsolhuo'.

17 Cagua: Caxahue'e LanDios titoc'itsolhuo', tipaxnetsoIhuo' cal Espíritu Santo. Itque tepi'itsolhuo' colpicuejma', ti'ila' colIcina' te ts'i'ic' LanDios lipicuejma', xonca tolimetsaico'me itque. Itque LanDios ma' enDios laI'Poujna Jesucristo jouc'a i'Ailli'. ToIta'a itque Jesús imuj'moxi ituca'. Imuj'moxi ma' anDios.

18 Ja'ni tepi'itsolhuo' toIta'a loIpicuejma' jouc'a tepalc'o'i'molhuo'. ToIta'a a'i ma le'a moI'huaicoyacu tolapenuftsa al c'a, jouc'a ti'i'ma colIcina' te ts'i'ic' lapi'iyacolhuo' LanDios. Ti'i'ma colIcina' te ts'i'ic' al cueca' al c'a tolapenufta. Ihe Iınca acueca' ac'a juaiconapa. Ailopa'a co'onIcoya. Iınca imanc' tolapenufta. Jouc'a jahuay iIhniya pe

ŁanDios i'epola' i'huexi, tepenufta lapi'iyacola' ŁanDios linaxque'.

19 Jouc'a ti'i'ma cołsina' te ts'i'ic' al cueca' lo'epa ŁanDios. Ti'i'ma cołsina' icueya limane. Tołsinguf'me acueca' titoc'i'molhuo', acueca' tipaxne'molhuo' ma moł'huaiyijnyi.

20 Linca, ŁanDios joupa imujpa acueca' juaiconapa lo'epa. Joupa i'epa acueca', imaf'i'inapa Cristo. Ipa'anapa pe lomana' limanapola'. If'ac'enapa al toncay lema'a. Icutsupa al c'a camane.

21 Ailopa'a co'onłcoya to ilque Cristo. Ilque xonca acueca', xonca acueca' ti'hua limane, xonca acueca' lo'epa, xonca acueca' locuxepa, xonca acueca' lipuftine. Ja'ni itsiya litine o locuaicoya locuena quitine, małque Cristo tuliqui jahuay.

22-23 ŁanDios joupa ixpic'epa jahuay tihuejcole Cristo, ilque Incuxepa, ticuxe jahuay. ŁanDios epi'ipa lixanuc', ilne lefot'łepola'. Ilque copa'a iljuac, ticuxela' ilne icuerpo. Jiłpe timujyoxi ŁanDios. Linca ŁanDios ni petsi tipa'a, timujyoxi. Jiłpe lixanuc', ilne icuerpo Cristo, xonca timujyoxi.

2

1 Imanc' ai'a tolapenuf'me al ts'e lołpitine joupa ejac'polhuo'. Aimonł'eyi locuxepa ŁanDios. Tonł'eyi lixcay.

2 Toluyalaicoyi anuli ilne locuenaye xanuc' nomana' fa'a li'a łamats'. Olihuejco'me liłpincuxepa contahue. Ilne lontahue nomana' jiłpe lema'a xonca a'ojca, ai' pe lopa'a ŁanDios, ticuxeyi liłpicuejma' lan xanuc' petsi aimihuejcoyi ŁanDios.

³ ŁanDios ałsimponga' illanc' ma' anuli aicalihuequi. Imanc' illanc', luyaipa quitine luyalaicoyi lapajnya mał'eyi lałjanajpa. Lihuejcoyi lojana jpa lałcuerpo. Illanc' całtuca' ałspic'eyi lał'eyacu. Małmana' tołta'a ailopa'a al ts'e lałpitine. Ma' anuli locuenaye petsi aimihuejcoyi ałtelmi'monga' ŁanDios.

⁴ Linca, ŁanDios juaiconapa ac'a lipicuejma'. Ałsimponga' ninc'icuanuc'la. Acueca' juaiconapa ał'eponga' capic'a.

⁵ Illanc' ma aimalihuejcoyi, joupa lajac'epołtsi. Tama tołta'a lał'ejma' iłque lapi'iponga' al ts'e lałpitine. Ałmaf'i'inałponga' anuli Cristo. Tołta'a lałtoc'iponga' ŁanDios, lałpaxneponga', joupa lunłu'eponga'.

⁶ Ma' anuli Cristo lacaxunaponga', lipa'aponga' pe lomana' lomanapola'. Ma' anuli iłque ałcutsunaponga' jilpe lema'a. Lapenufponga' Jesucristo, tołiya ał'iponga' tołta'a.

⁷ Ticuaitsi Locuaicoya Quitine ŁanDios timuj'ma acueca' juaiconapa ałtoc'iponga', acueca' ałpaxneponga' illanc' ixanuc' Cristo, lapenufponga' iłque.

⁸ Cacia: “ŁanDios joupa itoc'ipolhuo', ipaxnepolhuo', unłu'epolhuo'”. Linca imanc' aimi'iya molunłu'eyacołtsi. Ma ŁanDios imetsaicopolhuo' toł'huaiyijnyi. Tołta'a ma' iłque unłu'epolhuo'.

⁹ Linca ailopa'a cal'eyacu, ni illanc' ni imanc'. Aimi'iya małnesyacu: “Joupa ai'epa al c'a, tołiya ŁanDios lunłu'e'ma. Iya' ninc'a.” Ailopa'a conescoy-acoxi tołta'a.

¹⁰ Cristo joupa lapenufponga'. Tołta'a ŁanDios

añanc'e'eponga' lałpicuejma', lapi'iponga' al ts'e lałpitine. Tohiya ti'i'ma ał'e'me al c'a. Ał'e'me małe al c'a lixpice'epa ŁanDios ał'ełe. Tołta'a ixpic'epa luyalaicołe.

11 Tohiya aimolimenc'eco'me te ts'i'ic' lipaxnepolhuo' ŁanDios. Toł'nujuaisle te ts'i'ic' li'ipa li'ipolhuo'. Imanc' a'i cunc'ijudío, ituca' loñación. Aiquetec'ennilhuo' lołpixic'. Tołta'a lan xanuc' judío tetets'ilhuo', tecui'ilhuo': “Iñe petsi ailopa'a quiłseña, petsi aiqui'ennila' circuncidar”. Iñe lan judío joupa i'empola' circuncidar, joupa etec'empola' liłpixic'.

12 Iñiya litiné aicunłejmale Cristo. Lan xanuc' Israel imetsaiconnila' ixanuc' ŁanDios, imanc' a'i, imanc' unc'ocuenaye xanuc'. Iñe lun Israel ŁanDios joupa imaneconca cataiqui'. Nulemma icupa cataiqui' tepi'i'mola' al c'a. Imanc' aico-lapenufi iłe lataiqui'. Iñiya litiné imanc' ailopa'a col'huaicoyacu. Fa'a li'a łamats' ma toluyalaicoyi lapajnya. Aicolimetsaijma ŁanDios.

13 Itsiya joupa ipaicopa iłe lołpepajnya. Joupa epenufpolhuo' Jesucristo. Li'ipa tocomma to tołmana' aculi', aimi'iya moli—loc'olaiyacu ŁanDios. Cristo joupa ixcuajaipa lijuats' i'najtsepa lołjunac'. Tołta'a iłoc'ai'epolhuo' ŁanDios.

14 Małque Cristo ipac'epa lafuleya. Itsiya il-lanc' ninc'ijudío jouc'a imanc' a'i cunc'ijudío ma małmana' anuli. Ailopa'a tintsi. Li'ipa tipa'a lałpa'neponga'. Iñiya litiné aicalejmale, aiqui'ic'. Licupoxi Cristo tepalts'ijnle licuerpo jilpe lancruz, iłque etełpa iłe lałpa'neponga', iłonc'epa nulemma.

15 Iłe lałpa'neponga' itaiqui' Moisés licuxepa. Jilpe inilijmpa anuli anuli te ts'i'ic' malihuejcoyacu

ŁanDios. Limapa jilpe lancruz Cristo ilonc'epa limane ile lataiqui'. Itsiya aimi'iya małpa'neconayaconga'. Imanc' illanc' al'e'eponga' to anuli cal ts'e xans. Lapi'iponga' al ts'e lałpicuejma'. Tołta'a ipac'epa lafuleya.

¹⁶ Itsiya aimał'econayacołtsi laic'. Ile lixcay lałpicuejma' Cristo ima'apa ile litine lepalts'ingimpa jilpe lancruz. Ma małsinyołtsi ituca' ituca' lałpicuejma' aimi'iya małejmaleyacu ŁanDios. Cristo al'e'eponga' anuli. Ma almana' icuerpo ilque. Tołta'a ałejmale ŁanDios.

¹⁷ Li'huamma Cristo uya'apa joupa ipac'epa lafuleya. I'huamma ti'ila' cołsina' imanc' nołmana' aculi', jouc'a ti'ila' quilsina' petsi xonca ahuejnca ŁanDios, itsiya ailopa'a tinsi. ŁanDios tepenufila' jahuay lan xanuc' ma' anuli.

¹⁸ Ma' ilque Cristo ticu lane alpalaic'ole ŁanDios cal'Ailli', li—loc'olai'me imanc' y illanc'. Joupa lapenufpá cal Espíritu Santo. Toliya lapenufinga' ŁanDios.

¹⁹ Itsiya aimi'iya mecui'inyacolhuo' "aine", o "ilne ocuenaye xanuc'". Itsiya imanc' illanc', jouc'a jahuay lałpimaye, joupa al'e'eponga' i'huexi ŁanDios. Tipa'a lałpiłya' pu'hua lema'a. Ma ŁanDios al'Ailli'.

²⁰ Ma to lipangopa lo'huaiyijmpa lan apóstole, lam profeta, ma' anuli olpango'me imanc'. Małe cataiqui' olapejpá.

To anuli cal cueca' capic lipo'nof'impá laital cajut'ł, ilque lałpic nolanc'epa lajut'ł aimecangeya, tołta'a lo'onłcospa Jesucristo.

²¹ Petsi lepenufpola' ilque lałPoujna Cristo, ilne ti'onłcospa to anuli al paxi cajut'ł tilanc'econni apic'. İna'a lapic' tipo'nof'inni anuli anuli pe

lo'eya quipenic'. Małque Cristo, to cal Cueva' Capic, ipulaic' laital.

²² Jouc'a imanc' lepenufpolhuo' Cristo, tipo'no'innilhuo' pe loni'eyacu canic'. Tołta'a tilanc'enni lejut'i ŁanDios. Jiłpe copa'a cal Espíritu Santo, ilque ma' anDios.

3

¹ Itsiya ca'nujuaitsi'ilhuo' ile al cueca' lipaxnepolhuo', al cueca' li'e'epolhuo' ŁanDios. Iya' ninPablo aitoc'i'molhuo' imanc' pe a'i cunc'ijudío. Nu'i'molhuo' naitsi cal Cristo, ilque Jesús. Ite aipenic'. Totiya itsiya altats'iya.

² Joupa olsina' tołta'a laipenic'. ŁanDios alpaxnepa, alapi'ipa laipenic', cuya'ala' Lataiqui' ni petsi lołmana' imanc' pe a'i cunc'ijudío.

³ Ołsina' ma ŁanDios almuc'ipa Lemiya Cataiqui'. Ita'a colje'e joupa ninił'epolhuo' oque' afane' lataiqui' lonescopa ile Lataiqui' lemiya.

⁴ Mołsuef'yi ile laininił'epolhuo' ti'ila' colsina' alinca cacueca Lemiya Cataiqui', ile lonescopa Cristo.

⁵ Luyaipa quitine lan xanuc' aiqulłsina' ile lataiqui'. Itsiya ŁanDios joupa imuc'ipola' li'apóstole jouc'a liprofeta, ilne i'huexi. Cal Espíritu Santo almuc'iponga'.

⁶ Almuc'iponga' te ts'i'ic' lo'iyacolhuo' imanc' a'i cunc'ijudío pe noł'epá linca Lataiqui', joupa epenufpolhuo' Cristo. Imanc' illanc', ŁanDios limetsaiconga' inaxque'. Ałsinninga' joupa al'iponga' to anuli al cuerpo. ŁanDios joupa icupa cataiqui', almiponga' altoc'i'monga' illanc' ninc'ijudío. Itsiya małe lataiqui' timilhuo' imanc',

ma' anuli altoc'i'monga' illanc' imanc'. Ma' anuli lalapi'iyaconga'.

⁷ Iya', ÑanDios lapi'ipa laipenic' cuya'ala' Lataiqui' loya'apa ñe al c'a lixic'epa ÑanDios. Alpaxnepa, lapi'ipa laipicuejma'. Lalpaxnepa toña'a aixinguf'ma acueca' icueya limane ÑanDios.

⁸ Ai ca'onlicoyacoxi to laipimaye, ñne jouc'a i'huexi ÑanDios. Ja'ni anuli ñniya tixinyoxi aca'hua xans iya' cacua: Iya' ajna'hua capima xonca. Ma ÑanDios alpaxnepa, lapi'ipa laipenic' ca'huala' pe lomana' lan xanuc' a'ij judío, jilpe capalaicotsi Cristo, cuya'atsi te ts'i'ic' ñque lipicuejma'. Ñinca juaiconapa xonca acueca' ac'a lipicuejma', ailopa'a co'onñcoya. Aimi'iya micuec'eyacu nulemma.

⁹ ÑanDios lapi'ipa laipenic' camuc'itsola' acujmaica Lemiya Cataiqui'. Ti'ña' quilsina' lan xanuc' te ts'i'ic' menant'ña Lataiqui' lonescopa. Lipangopa lilanc'epa li'a lamats', Lemiya Cataiqui' joupa tipa'a jilpe lipicuejma' ÑanDios. ñque joupa ixpic'epa lo'eya. Malque ÑanDios ilanc'epa jahuay.

¹⁰ Cacua: ÑanDios lapi'ipa laipenic'. Toña'a tefot'ñela' lixanuc'. Tixintsa lapaluc' quema'a te ts'i'ic' lipicuejma'. ñne lan tsila' capaluc' nomana' lema'a, pe acueca' icueya ññmane, ticuxeyi jilpe, mañniya itsiya tehuelonginnila' lixanuc' ÑanDios lefot'ñepola'. Mehuelojnyi ti'i'ma quilsina' te ts'i'ic' litoc'ipola', lipaxnepola' ÑanDios lixanuc'. ñne lixanuc' anuli anuli ocuena ocuena ñlipicuejma' lepi'ipola' ÑanDios. Toña'a ma quefoña timujiyi te ts'i'ic' al cueca' lipicuejma' ÑanDios.

¹¹ ÑanDios al coña ixpic'epa ti'ña' quilsina' toña'a

lapaluc' quema'a, tohiya' lepi'ipa lipenic' Jesu-cristo, iŕque aŕPoujna.

12 Cristo joupa lapenufponga'. Toŕta'a tixoqui calata aliŕoc'ohaiyi LanDios. Ma maŕ'huaiyijnyi Cristo aimasueŕmot'ŕeyi, ailopa'a caŕpa'neyaconga'. LanDios lapenufinga'.

13 Linca acueca' iŕe lataiqui' laifnuya'apa. Tohiya caxa'huelhuo', camilhuo': Aimosueŕmot'ŕeco'me. Aimomes'me: "Acuanuc' Pablo, acueca' juaiconapa loteŕcopa". Aimohpai'i' moltsi loŕpicuejma'. Toŕ'nujuaisle: Ja'ni coŕa' iya' aicateŕma, coŕa' ailopa'a mipaxneyacolhuo' LanDios.

14 Ma ca'nujuaitsilhuo' al cueca' lipaxnepolhuo' LanDios, iya' caxc'onŕingay caŕ'Ailli'.

15 Fa'a li'a ŕamats' lanaxque' mecui'innila' quiŕtatá "aŕ'ailli'", o mecui'iyohŕsi toŕta'a iŕne nomana' lema'a, ¿pe qui'huayomma iŕe lataiqui' o iŕe liŕ'ejma'? ¿Te qui'ipa limetsaicopohŕsi toŕta'a? Toŕta'a maŕque LanDios ecui'ipoxi.

16 Iŕque linca ma' anDios. Aimehue'e'. Ixhueya lipicuejma', acueca' icueya limane. Tohiya caxa-hue'e titoc'itsolhuo'. Caxahue'e titoc'itsolhuo' li'Espíritu, ti'ila' acueca' loŕpicuejma', jouc'a tonŕ'e'me al cueca'.

17 Ja'ni toŕta'a lotoc'ipolhuo' itine itine toŕ'huaiyjm'me cal Cristo, iŕque tipajm'ma ŕolunxajma'. Tepi'i'molhuo' coŕpicuejma' toŕ'etsohŕsi capic'a. Tifa'e'molhuo' loŕpicuejma'.

18 Toŕta'a aimimajaiqueyacolhuo'. Imanc' jouc'a jahuay lixanuc' LanDios, iŕne i'huexi iŕque, ti'i'ma coŕsina' nulemma te ts'i'ic' litoc'ipolhuo' LanDios. Ja'ni to'huaŕa' lexpats'qui o lipitoqui li'a ŕamats', o

taimutsi al 'ocay, o tof'ajla' al toncay, ni petsi loft-seya aimoxinya Lataiqui' xonca' acueca', ailopa'a.

¹⁹ Caxahue'e tolimetsaicoḷe te ts'i'ic' mi'nujuaitsilhuo' Cristo. Linca, aimi'iya moḷcuejyacu nulemma. Juaiconapa acueca' ti'elhuo' capic'a.

Ja'ni toḷta'a lotoc'ipolhuo' LanDios ti'hua ti'i'ma ixhueya loḷpicuejma'. Ti'i'ma to lipicuejma' LanDios.

²⁰ Iḷque LanDios ti'ay al cueca'. Aimi'iya maḷsinyacu nulemma lo'eya. Ja'ni aḷsa'hueḷe o jilpe laḷpicuejma' aḷnesle: “Aipic'a aḷtoc'iḷa' acueca'”, linca xonca acueca' aḷtoc'i'monga'. Toḷta'a aḷtoc'inga' cal Espíritu Santo, iḷque ḷalapenuḷpa.

²¹ ¡Maḷque LanDios aḷs'najtsi'ile! Cristo timuqui te ts'i'ic' LanDios lipicuejma'. Ma' anuli timuji lixanuc' LanDios leḷot'ḷepola'. Amats' amats' ti'i'ma toḷta'a. Jouc'a Locuaicoya Quitine ti'hua ti'i'ma, aimijouya. Toḷta'a ti'ḷa'. Amén.

4

¹ Iya', ma ca'ay lani' lalapi'ipa ḷaiPoujna, aḷ'noḷimpa. Itsiya capa'a aḷtats'iya. Fa'a caxc'ai'ḷilhuo' lonḷeyacu. Imanc' joupa ijoc'ipolhuo' LanDios, imanc' ixanuc' iḷque. Camilhuo': Toḷmujtsoḷtsi ixanuc' LanDios.

² Aimoḷ'nof'e'moḷtsi. Aimoḷtalai'otḷ'e'me LanDios ni moḷtalai'otḷ'e'mola' lan xanuc'. Toḷsnetḷe lo'e'epolhuo'. Amolixtuc'o'moḷtsi, toḷ'etsotḷsi capic'a.

³ Cal Espíritu Santo joupa i'e'epolhuo' anuli. Toḷpo'noḷe loḷpicuejma' ti'hua toḷ'e'moḷtsi toḷta'a. Ja'ni aimoḷfuleyi linca toḷuyalaico'me anuli loḷpicuejma'.

⁴ Illanc' petsi nał'huaiyijmpá Cristo ał'onłcosponga' to licuerpo. Itque licuerpo anuli le'a. Anuli cal Espíritu mipa'a jilpe, itque cal Espíritu Santo.

ŁanDios ałjoc'iponga' ał'huaicołe ite lalapi'iyaconga'. Ma' anuli lapi'itonga' jahuay illanc'.

⁵ Anuli łalPoujna, ma' anuli lataiqui' łal'huaiyijmpa, anuli lalapocopa.

⁶ Anuli łalanDios, itque it'Ailli' jahuay. Itque xonca cal Cueca', jahuay tixhual'niyi lixpicepa, jahuay illanc' ałmana' pe lipanga.

⁷ Linca tama jahuay illanc' ałmana' pe lipanga ŁanDios a'ij nuli ite łalpaxneponga'. Ituca' ituca' łalpaxneponga' Cristo. Itque tixpiquei. Anuli anuli lapi'iponga' łalpenic'.

⁸ Tołta'a loya'apa ŁanDios jilpe al Paxi Linilingiya, ticua:

If'ajnapa lema'a, mif'aquinghua ilecopola' lixanuc', itne li'ipa litats'ila' joupa ux'masquem'mola'.

Lijou'ma ica'ne'mola' lixanuc' lapi'iyacola', tepen-ufle.

⁹ Joupa alcuapá: "If'ajnapa". Ai'a tif'aj'ma imumma, imuyomma jilpe al 'ocay li'a łamats'. Lijou'ma if'ajna'ma, icuaita pe lopa'a al te'a.

¹⁰ Itque nimumma, nif'ajnapa ma' anuli itque. If'ajnapa lema'a xonca al toncay. Tołta'a aimi'iya minesquinyacu: "Fa'a ailopa'a". Ni petsi, ja'ni lema'a, ja'ni li'a łamats', itque tipa'a, ticuxe.

¹¹ Lijoupa lif'ajnapa al toncay lema'a, Cristo epi'ipola' lixanuc' ituca' ituca' liłpenic'. Tołta'a timana' lan apóstole, timana' lam profeta, timana' lan evangelista, itne noya'apá Lataiqui', timana'

lam pastor, iñe no'epá cuenna liñpimaye, timana' lomxiye, iñe tuhuałyi Lataiqui', timuc'iyaleyí.

Jahuay iñiya Cristo epi'icopola' liñanuc', titoc'itsola' iñe lefot'lepola' ÑanDios.

¹² Iñe no'epá laniç' ti'hua titoc'innila' liñpimaye, tifa'ennila' liñpicuejma'. Tijouła' jahuay lapimaye, iñe i'huexi ÑanDios, ti'i'ma pangay c'a liñpicuejma', aimehue'eyacola'.

¹³ Tołta'a jahuay illanc' nał'huaiyijmpá Lataiqui', ałcuc'e'me nulemma loya'apa iñe Lataiqui', limet-saico'me nulemma te ts'i'ic' lipicuejma' hi'Hua ÑanDios. Tijouła' ałnesco'moltsi: "Joupa altojpa". Iñe litine lañpicuejma' ti'i'ma pangay c'a, joupa ilajmpa. Cristo mane ac'a lipicuejma', aimehue'e'. Jouc'a aimalahue'eyacongá'.

¹⁴ ÑanDios joupa lapi'iponga' iñe lałtoc'iponga', ałmuc'itsonga' lihuejle. ÑanDios aimicua maluyalaicoyacu mał'onłcoyacongá' to la'uhuay, iñe liñpicuejma' tife'ne'mola' ni cua tintsí cataiqui'. Aimicua małfel'miyacongá' lan xanuc' petsi acueca' quixcay liñpicuejma'. Iñmaf'i' iñiya, iñsina' lo'eyacu tifel'miyale'me. Iñe joupa imenajpola'. Tihuejyi ituca' cataiqui'.

¹⁵ ÑanDios xonca ipic'a lihuejle al Ñinca Cataiqui'. Mał'ela' capic'a lañpimaye, ma' iñe Lataiqui' luya'a'me. Tołta'a ti'hua tilajm'ma lañpicuejma', ti'i'ma pangay c'a, ti'onłcota to Cristo lipicuejma'. Iñque ałjuac, illanc' icuerpo.

¹⁶ Cristo lałjuac ałtoc'enga' illanc' icuerpo. Anuli al cuerpo axpe' mipa'a. Iñe aimitoqui anuli anuli. Jahuay iñiya titojyola' pe lomana'. Litornillo lajonyopola' jahuay. Tołta'a tites'miyoltsi,

titoc'iyot̄si. Ihiya ał'onsonpa' illanc' icuerpo Cristo. Mał'eyot̄si capic'a altoc'iyot̄si, alfa'e' mołtsi lałpicuejma'.

¹⁷ Joupa aixc'ai'ipolhuo', aimipolhuo': "Tołmujtsołtsi ixanuc' ŁanDios". Illanc' ninc'apimaye, ma' anuli lałPoujna. Tołiya caxc'ai'icona'molhuo', camilhuo': Ma monluyalaicoyi lapajnya aimoł'e'me to mi'eyi iłne pet̄si aimimetsaicoyi ŁanDios, iłne naihuejpá latenłcocopola' quiltuca'. Aimihuejyi latenłcocopa ŁanDios.

¹⁸ I'ipa muf liłpicuejma'. Aimicuec'eyi, tołta'a enaj' mołtsi ŁanDios. Joupa ejac'epołtsi. Liłpicuejma' i'ipa to łapic.

¹⁹ Aimi'iya mixinyacu calaic'ata. Icupołtsi ti'ełe al xujc'a, ti'ełe nixpiya. Aimicuayi: "Aimał'econa'me tołta'a". Ma ti'hua tehueyi xonca nixpiya lo'eyacu.

²⁰ A'i tołta'a lipalaic'ocompolhuo' Cristo. A'i tołta'a lipicuejma' iłque.

²¹ ¿Te aicołcueca litaiqui'? O ¿aiquepenufilhuo' iłque? Małmuc'ilhuo', małpalaicoyi iłque Cristo, ¿te aicalnesqui al łınca?

²² Ai'a ti'i'ma al ts'e lołpitine tolihuejcoyi cołtuca' lołpicuejma'. Jiłniya łitiné ti'hua tołajac'eyołtsi, ti'hua tołfel'miyot̄si, tołjanajyi tonł'ełe nixpiya. Tołta'a tolihuejyi. Joupa lu'ipolhuo': "Iłe lonł'epa li'ipa, tołpo'note nulemma".

²³ Itsiya tipa'a al ts'e lołpitine. Cal Espíritu Santo tipa'a jiłpe lołpicuejma'. Itine itine tołapenufle cołpujfxi lapi'ipolhuo' iłque.

²⁴ Tołspic'ełe nulemma tolihuejcołe al ts'e lołpicuejma'. Iłe to lipicuejma' ŁanDios tixpic'e

ma le'a al c'a, tihuejco'ma ma le'a ŁanDios, iłque cal Paxi. Tołta'a ate'a ilanc'empa lipicuejma' cal xans. Iłque lipicuejma' mane ac'a. Ti'onłcospa to lipicuejma' ŁanDios, iłque aimifel'miyale.

²⁵ Joupa ołspic'epá aimołfel'miyaleconayacu. Ne'. Mołpalaic'oyołtsi tołnesle ma le'a al linca. Anuli anuli tipalaic'ołta' tołta'a lipima. Aimołfel'miconayacołtsi. ŁanDios joupa lafot'leponga' to anuli al cuerpo. Ilanc' ninc'apimaye.

²⁶ Ja'ni ołixtulepá aimi'hua molixtule'me. Ai'a tipo'nof'caita cal 'ora tołpac'ete lołpoyac'. Ja'ni a'i ŁanDios aimetenłcocoya iłe lonł'epa, tixim'ma a'ijc'a.

²⁷ Ja'ni ti'hua molixtuleyi ma le'a tołapi'iyi lane łonta'a Satanás.

²⁸ Łapima pe joupa ihuiyipa, ti'hua tinantse, aiminantsecona'ma. Ituca' tixhuico'mola' limane', ti'etsi al c'a lanic'. Tołta'a ti'i'ma ti'huej'ma. Ti'i'ma tepi'i'ma petsi aiqiu'hueca.

²⁹ Aimołnes'me camac'ta cataiqui', ni anuli. Tołspic'ete al c'a lołnesyacu. Tołmi'mołtsi: “¿Te cahue'epola' laipimaye?” Lijou'ma tołnesle lataiqui' lofa'eyacola' liłpicuejma'. Xonca ticuec'e'me. Jouc'a ŁanDios tetenłcoco'ma lołnespa. Titoc'i'mola', tipaxne'mola' noquimf'epolhuo'.

³⁰ Ja'ni tołnesle camac'ta cataiqui' tołhuosmi'me cal Espíritu Santo, iłque lipaxi Espíritu ŁanDios. Aimont'e'me tołta'a. Imanc' joupa olapenufpá cal Espíritu. ŁanDios imuc'ipolhuo' imanc' alinca ixanuc'. Tocomma ipo'ninc'e'epolhuo' łisello, iłque ołPoujna. Ticuaitsi al Cueva' Quitine tepenuftolhuo' nulemma, tuntu'etolhuo'.

³¹ Ja'ni tipa'a al cuaj jilpe lołpicuejma' tołipa'ale. Aimolixtuc'ocona'mołtsi. Aimoł'nujuaiscona'me

ife li'ipa lolixtulepa. Aimol̄jaic'o'mol̄tsi. Aimol̄nesco'mol̄tsi a'ijc'a. Tol̄spic'ele nulemma aimol̄'econa'me tol̄ta'a. Jouc'a jil̄pe lol̄picuejma' aimolatets'icona'mol̄tsi.

³² Tol̄palaic'otsol̄tsi al c'a, tol̄toc'itsol̄tsi, tolimenc'e'ecotsol̄tsi. Imanc' lepenuffol̄huo' Cristo, LanDios joupa imenc'e'ecopol̄huo' lonl̄'epa. Tol̄ta'a imanc' tolimenc'e'ecotsol̄tsi lonl̄'e'epol̄tsi.

5

¹ Camilhuo': Ti'itsol̄huo' lol̄'ejma' to li'ejma' LanDios. Tol̄mujtsol̄tsi to caiquinaxque' il̄que.

² Itine itine tol̄'nujuaitsołtsi ma to Cristo li'nujuaispol̄huo'. Il̄que icupoxi tima'anle i'najtsepa lałjunac'. Il̄que litsufcopoxi etenłcocol̄pa LanDios. Toliya limenc'e'ecoponga' lał'epa.

³ Imanc' joupa i'huexi LanDios, tol̄mujtsol̄tsi tol̄ta'a. Aimolahue'mola' cacal'no'. Aimonl̄'e'me nixpiya. Ni monl̄'e'me to lo'epa il̄niya petsi ti'hua tijanajyi. Aiminesyi: "Aimal̄'econa'me tol̄ta'a". Ma ti'hua tehueyi xonca nixpiya lo'eyacu. Imanc' ni mol̄palaico'mola' il̄niya lo'epa.

⁴ Aimonl̄'e'me ni mol̄nes'me al xujc'a. Aimol̄lilotsoco'mol̄tsi. Aimol̄palaic'oco'mol̄tsi lol̄pemac'ta. Il̄na'a aimetenłma. Xonca ticuicomma tol̄s'najtsi'ife LanDios.

⁵ Il̄ne petsi nahuepá cacal'no', jouc'a petsi axujc'a lil̄picuejma', jouc'a petsi ti'hua tijanajyi xonca, mal̄niya ti'onłcospola' to naxc'onłingol̄aipá lilen-diosla', imanc' joupa ol̄sina' lo'iyacola'. Nij naitsi il̄niya notsufaiya pe locuxeyopa Cristo, jil̄pe locuxeyopa LanDios.

6 Lan xanuc' no'epá tołta'a tepi'iyi coyac' ŁanDios. Iłque titeł'mila' iłne lincuejlocale. Imanc' aimołfel'mi'mołtsi. Aimołquimf'e'mola' nocuapá: “Ailopa'a tintsi. Tonł'ele ma ts'ołpic'a.” Iłne mane tipalołaiyi. A'ij linca lonespa.

7 Joupa aimipolhuo': Iłne lixcay xanuc' tepi'iyi coyac' ŁanDios. Imanc' aimonł'e'me tołta'a.

8 Li'ipa, imanc' lołpicuejma' mane amuf. Ti'onłcospolhuo' to lipuqui'. Itsiya a'i. ŁałPoujna joupa epenufpolhuo', epalc'o'ipolhuo'. Mołuyalaicoyi lapajnya tolapalc'o'itsola' locuenaye.

9 Petsi ŁanDios joupa epalc'o'ipola' liłpicuejma', iłne timuj'mołtsi pangay c'a xanuc'. Ti'eyi ma le'a al iijca, tihuejyi al linca.

10 Imanc' tolahuele latentłcocoya ŁanDios, male tonł'ele.

11 Iłne petsi amuf liłpicuejma', lo'epa iłniya ailopa'a al c'a caipammaispa. To iłniya aimonł'e'me. Tolanaj'mołtsi. Xonca tołtale'mola', tołmujle a'ijc'a lo'epa.

12 Iłniya juaiconapa axujc'a iłe lo'epa lemiya, ni aimi'iya mahnescoyacu.

13 Ja'ni lepalc'o' tepalc'o'ıla' lemiya, iłe ti'huájta, timuj'moxi te ts'i'ic' mipa'a. Tołta'a lo'iya ja'ni ałtale'mola' iłne no'epá al xujc'a. Iłe lixcay timuj'moxi te ts'i'ic' mipa'a.

14 Mane lepalc'o' tepalc'o'i'ma lemiya. Toliya al Paxi Linilingiya tuya'e':

Aimi'hua moxmai'ma, tomaf'ıla'.

Totsahuenni, taipanni, topo'notsola' lof'as xanuc', iłne no'onłcospola' to limanapola'.

Tijoula' Cristo tepalc'o'i'mo'.

15 Tolpo'noŀe cuenna, moluyalaicoyi lapajnya tolihuejle al c'a. Joupa epi'impolhuo' loŀpicuejma', aimoŀ'e'moŀtsi to lan mac'ta.

16 Ina'a litiné ipime. Ja'ni ti'i'ma tonŀ'e'me al c'a, ne' tonŀ'eŀe. Aimoŀ'huaico'me.

17 Aimoŀ'e'moŀtsi to lan tonno. Ti'ila' coŀsina' te ts'ipic'a laŀPoujna. Toŀta'a tonŀ'e'me.

18 Aimoŀsnatsai'me vino. Ja'ni toŀsnatsaiyi timeyoj'molhuo'. Tijouŀa' tonŀ'e'me nixpiya. Xonca tolapi'ile lane cal Espíritu Santo ti'hua micuxelhuo' loŀpicuejma'.

19 Toŀta'a toŀpalaic'o'moŀtsi al c'a. Toŀnes'me lan salmo, lan himno, lan alabanza. Jiŀpe toŀunxajma' toŀunac'me, toŀunac'co'me laŀPoujna.

20 Itine itine moŀ'huaiyijnyi Jesucristo laŀPoujna, ma moŀnesyi iŀque lipuffine, toŀs'najtsi'ile LanDios, iŀque oŀ'Ailli'. Ja'ni ac'a lo'ipolhuo', ja'ni a'ijc'a, ma' anuli toŀs'najtsi'ile.

21 Imanc' toŀcuc'eyi Cristo. Jouc'a toŀcuc'etsoŀtsi.

22 Imanc' unc'apenoye, anuli anuli tolihuejcoŀe toŀpe'ailli'. Toŀta'a tolihuejco'me laŀPoujna.

23 Łaca'no' lipe'ailli' tocomma to ijuac. Toŀta'a cal xans ti'onŀcospa to Cristo. Illanc' nalafot'leponga' LanDios, Cristo aŀjuac. Iŀque alunŀu'eponga' illanc' icuerpo.

24 Toŀiya lihuejcoyi, aŀcuxenga'. Ma' anuli laŀpimaye cacal'no', ticuicomma anuli anuli tihuejcoŀa' lipe'ailli'.

25 Illanc' nalafot'leponga' LanDios, Cristo aŀ'eponga' capic'a. Ma' anuli imanc' cunc'ape'ailli', tonŀ'etsola' capic'a loŀpenoye. Cristo ma'enga' capic'a icupoxi tima'anŀe, i'najtsepa laŀjunac'.

26 Ipic'a ał'e'etsonga' ma' i'huexi ŁanDios. Tołta'a latufc'eponga' lałpicuejma' iłe litine lalapo'icomponga' aja' mał'eyi linca litaliqui' ŁanDios.

27 Tołta'a ałanc'e'enga' lałpicuejma'. Ti'ıta' pangay c'a. Ma to anuli cal xans tixoj'ma queta tepenuf'ma quipeno mipa'a ac'a lipicuejma', tołta'a lapenuftonga' Cristo, illanc' nalafot'leponga' ŁanDios.

Anuli cal ts'e cahuats', licuerpo jouc'a lipicuejma' ailopa'a qui'ic', aimi'ıya minesconyacu. Tołta'a ał'onłcotonga', lapenuftonga'.

28 Imanc' cunc'ape'aillı, ma to tołsinyi acuanuc' lołcuerpo, ma tołta'a tonł'etsola' capic'a lołpenoye. Tołsintsola' acuanuc'la. Cal xans noximpa acuanuc' lipeno, ma' anuli tixinyoxi acuanuc'.

29 Anuli cal xans, ¿te ja'ni ti'e'maj laic' licuerpo? A'i. Aimi'ıya. Ałtes'mıyi lałcuerpo, ał'eyi cuenna. Ma tołta'a ał'enga' cuenna Cristo, illanc' nalafot'leponga' ŁanDios.

30 Illanc' icuerpo Cristo. Ał'onłcosponga' to li-mane', li'mitsi', y tojua mipa'a lałcuerpo. Anuli lałpixic', lałpecał.

31 Tołıya al Paxi Linııngıya tuya'e':
Cal xans tipo'no'mola' quıłtuca' qui'ailli' qui'máma', tejonłi'mołtsi anuli lipeno. Iłne loquexi' ti'i'mola' ma' anuli, anuli al cuerpo.

32 Ałınca acueca' ipime iłe lataliqui'. A'i ma le'a anuli loya'apa. Iłe lataliqui' ałnesconga' illanc' petsi nalafot'leponga' ŁanDios, illanc' icuerpo Cristo.

33 Linca ıłta'a laıfxc'ai'ıpolhuo' a'i quipime cataiqui'. Camılhuo': Imanc' jouc'a, anuli anuli, tonł'etsola' capic'a lołpenoye. Ma to

tonl'eyołtsi cuenna imanc' cołtuca', ma tołta'a tonl'etsola' cuenna iłniya. Imanc' cunc'apenoye, tolihuejcołsola' lołpe'aillí.

6

¹ Imanc' unc'a'uhuy, tołcuc'etsola' loł'aillí. Ie ac'a cataiqui'. Ma moł'huaiyijnyi łapoujna ipic'a tonl'ełe tołta'a.

²⁻³ ŁanDios ticuxe: “Taihuejco'mola' co'aillí, co'máma'. Totoc'i'mola'.” Jouc'a icupa cataiqui' ticua: “Ja'ni to'eł'a' tołta'a toyaico'ma al c'a. Ticoł'mo' axpe' camats' topajm'ma fa'a li'a łamats'.” Ai'a tines'ma tołta'a ŁanDios ailopa'a quicuapa: “Ja'ni to'eł'a' iłe laifcuxe'epo' toyaico'ma al c'a”. Ie lataiqui' al te'a loya'apa tołta'a.

⁴ Imanc' unc'a'aillí aimolapi'i'mola' coyac' lołnaxque'. Toł'etsola' cuenna, tołsc'ai'itsola', tolu'itsola' te ts'i'ic' al c'a lo'eyacu. Ja'ni a'ijc'a lo'epa, tołtaletsola'. Tołmi'mołtsi: “Łapoujna, ¿te co'eya? O ¿te conesya iłque?” Tołta'a tonl'e'me.

⁵ Imanc' cunc'imozó, tolihuejcołsola' lołpoujnalá. Tama iłne oł'as xanuc' aimoł'nof'e'mołtsi. Tołahue'me latentcoyacola'. Aimołfel'mi'mola', tołcuc'etsola'. Ma to mołcuc'eyi Cristo, ma tołta'a tołcuc'e'mola' iłniya lołpoujnalá. Tołmi'mołtsi: “Ma cacuec'e iłque łapoujna tocomma to cacuec'e Cristo”.

⁶⁻⁷ Tama tipa'a lołpoujnalá fa'a li'a łamats' imanc' imozó Cristo, tonl'eyi lołpic'epa ŁanDios. Tołiya aimoł'onlıco'mołtsi to iłniya lo'eyacu canic' ma le'a mehuelongila' łıpoujna. Iłne tifellaiqueyi, aimi'eyi latentcocopa łıpoujna. Imanc' jahuay łolunxajma'

tixojla' cunlata tont'ele canic', tont'ele latentcocoya
lafPoujna.

⁸ Imanc' joupa ołsina' lo'iya. Petsi no'epá al c'a,
ja'ni amozó o ja'ni apoujnalá, małe al c'a, acueca' o
ahuata, tepi'icona'mola' lafPoujna.

⁹ Joupa aixc'ai'ipola' lam mozó, ti'ila'
li'ejma' to lo'iya li'ejma' lan c'a mozó. Ma'
anuli laifxc'ai'ipolhuo' imanc' unc'apoujnalá.
Camilhuo': Ti'ila' lo'ejma' to lo'iya li'ejma' lan
c'a capoujnalá. Aimoljaic'ocona'mola', tołsnet'He.
Tołnujuaitsa lofPoujna, iłque Nopa'a jilpe lema'a.
Iłque ołPoujna imanc' jouc'a iłniya. Tixinnilhuo'
jahuay anuli, ja'ni amozó ja'ni apoujnalá.

¹⁰ Jahuay imanc' camilhuo': Tipangoła' itsiya
aimitafqueconayacolhuo'. Joupa epenufpolhuo'
lafPoujna, acueca' icueya limane iłque, acueca'
lo'epa.

¹¹ Tołonticotsoltsi to lan soldado, iłne lisoldado
ŁanDios. Tołpo'notsoltsi lołpa'necoyacoltsi, iłe
lapi'ipolhuo' ŁanDios. Tołta'a tołcuanajco'moltsi,
łonta'a Satanás aimi'iya mulijyacolhuo'. Tama
juaiconapa a'ijc'a lipicuejma', tama tehuay te
co'e'eyacolhuo', aimi'iya mi'eyacolhuo'.

¹² Jilpe lema'a, xonca al 'ocay, timana' lixcay con-
tahue. Iłne icueya liłmane, ticuxeyi. Ticuxennila'
lan tsila' quincuxepa nomana' fa'a li'a lamats', iłne
lincuxepá petsi amuf liłpicuejma'. Al'onłiyoltsi cafxi
lontahue, a'i lałf'as xanuc'.

¹³ Tołiya camilhuo': Tolapenufle jahuay
lapi'ipolhuo' ŁanDios, tołpo'no'itsoltsi. Tic-
uaitsi litine xonca ipime tołcuanajco'moltsi.
Aimulijconayacolhuo'. Tijouła' lafuleya ti'hua
tołcuanajco'moltsi.

14 Camilhuo': Ate'a tołpo'no'itsotsti jahuay lapi'ipolhuo' ŁanDios. Tolacaxołaite, tołcuanajcotsotsti. Tołpo'no'itsotsti jahuay ina'a laicuicomma cal soldado. Ique ipic'a tifi'ecoxoxi. Ihe lohuocopoxi tepi'i lipujfxi. Imanc' lołnespa al linca ti'onłcospa to lołhuocoyołtsi, lapi'ipolhuo' lołpufxi.

Jouc'a tipa'a licoraza. Ma' anuli imanc' tipa'a lołcoraza. Ihe al hijca lonł'epa, tipa'ne lolunxajma'.

15 Tipa'a lic'ejí, ti'huała' o tecaxla' al c'a. Aimixcaiya, aimipaif'quiya. Jouc'a imanc' tocomma to tipa'a al c'a lołc'ejí. Imanc' Lataiqui' lolapenufpa, ihe tuya'e': "Aimołsueł'meconame. ŁanDios aimixtuc'oconayacolhuo'." Ihe Lataiqui' joupa ifa'epolhuo' lołpicuejma'. Lonta'a Satanás aimipaif'eyacolhuo'.

16 Jahuay ina'a cal soldado tixhuico'ma. Jouc'a tucuicomma ti'nołła' li'escudo, tipa'neco'moxi al c'a. Imanc' ihe loł'huaiyijmpa Jesucristo ti'onłcospa to coł'escudo. Teca'nitsola' łepof' lonajpola' lixcay conta'a Satanás, ihe loł'escudo tipic'e'mola'. Tijouła' ailopa'a co'eyacolhuo'.

17 Jouc'a tipa'a licasco, lopa'necopa lijuac. Imanc' moł'nujuaisyi tunłu'e'molhuo' Cristo tocomma to tipa'a lołcasco.

Jouc'a tipa'a loł'espada. Ihe Litaiqui' ŁanDios, lołhuicopa cal Espíritu Santo.

18 Camilhuo': Tołta'a tołacaxołaite, tołcuanajcotsotsti, ti'hua tołpalaic'ole ŁanDios. Ti'hua tołsa'huele titoc'itsolhuo'. Ja'ni tołuyalaicoyi al c'a o a'ijc'a loluyalaicopa, tołpalaic'ole ŁanDios. Tołmile lomipolhuo' cal Espíritu Santo. Tołpo'nole cuenna. Aimixojtolhuo', ti'hua tołpalaic'ole

ŁanDios. Tołsahue'ele titoc'itsola' jahuay lołpimaye, iłne jouc'a i'huexi ŁanDios.

¹⁹ Mołsa'hueyi tołta'a, tołsa'huele ŁanDios ałtoc'ila' iya'. Lapi'ila' laifnesya. Tołta'a ma cuya'e aimalahue'eya lataiqui'. Tixoj'ma neta cuhuałna'ma Lataiqui'. Lan xanuc' ti'ila' quilsina' te ts'i'ic' loya'apa iłe lemiya jilpe Lataiqui'.

²⁰ Iya' epaluc Jesucristo. Alummepa cuya'ala' iłe lataiqui'. Petsi aiquetenłcocola' iłe laifnuya'apa ałtats'ecopa. Tołiya ałfi'ecompa atejma'. Cacua: Tołsahue'ele ŁanDios lapi'ila' laifnesya. Tołta'a aicaxinya calaic'ata. Ma to ts'ipic'a ŁanDios, tołta'a capalaııa'.

²¹ Cacua: Ti'ila' colıına' jouc'a te ts'i'ic' iya' laifnuyaicopa fa'a. Tołiya ti'hua'ma Tıquico. Iłque łacaipima, ac'a ti'ay lanic' lepi'ipa łalPoujna, tu'itolhuo' jahuay łal'ipa.

²² Cumme'ma tu'itsolhuo' te ts'i'ic' małmana'. Tixpai'itsolhuo' cunlata.

²³ ŁanDios cal'Aııli', jouc'a łalPoujna Jesucristo tipac'e'etsola' liłpicuejma' lapimaye nomana' jilpiya. Titoc'itsola' ti'entsołtsi capic'a, ti'hua ti'huaiyijnle.

²⁴ Iłne petsi aimipai'iyoltsi, ti'hua ti'eyi capic'a łalPoujna Jesucristo, ŁanDios tipaxnetsola', titoc'itsola' jahuay iłniya.

Lataiqui' loya'apa ñe al c'a lixpíc'epa LanDios
New Testament in Chontal, Highland Oaxaca
(MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 30 Dec 2021

6400fb6e-80e3-5cbe-8b37-1a879c9db6c6